

լու համար Սանահին կայարանը և Ղարաքիլիսէ մէկ-մէկ յանձնախմբեր պիտի ուղարկուեն և հայկական կառավարութիւնը վերոյիշեալ յանձնախմբերի անձեռնմխելիութիւնը և Ալեքսանդրապոլի շրջանում նրանց արեւելեան ճակատի հրամանատարութեան հետ կանոնաւորապէս և ապահովապէս կապ ունենալը պիտի ապահովի:

Զորորդ մինչև զինադադարի Յրդ օրը, երեկոյեան երկու կողմի պատւիրակները հաշտութեան բանակցութիւնները սկսելու համար Ալեքսանդրապոլ պիտի գտնուեն և այս ժամանակի ընթացքում, եթէ առաջին և երկրորդ պայմանների բովանդակութիւնը իրագործւած է, իսկոյն հաշտութեան բանակցութիւնները պիտի սկսեն:

Հինգերորդ՝ զինադադարի ժամանակի ընթացքում մեր զօրամասերը Ալեքսանդրապոլի շրջանում, առաջին պայմանում յիշած Արփաչայ ընթացք Նալբանդ կայարան Վարանցովկա գծից արեւելեան կողմը և միւս շրջաններում իրենց գտնւած գծից առաջ չպիտի անցնեն:

Վեցերորդ՝ զինադադարի կնքումից անմիջապէս յետոյ երկու կողմից թշնամական գործողութիւններին վերջ դրւի:

Սոյն զինադադարի պայմանները Ալեքսանդրապոլի շրջանում գտնուող հայկական առաջաւոր մասերին յանձնելու ժամից գործադրութեան մէջ են մտնում և պայմանաժամը, ի վերջոյ, եթէ կարիք զգացւի, երկարաձգելու պայմանով՝ եօթ օր է: № 2378, իսկականի հետ ճիշտ է:

Քեազիմ Կարաբեֆիթ

Ուրեմն, զինադադարի առաջին պայմանները մեր կողմից ընդունւելուց և իրագործւելուց յետոյ հակառակորդն առաջարկում է բոլորովին նոր պայմաններ, այս անգամ աւելի խիստ. ընդունել դրանց՝ նշանակում է Հայաստանի հողի կէսից աւելին զիջել թշնամուն, բանակը զինաթափ անել, ի հարկէ, առանց երաշխիք ունենալու, որ մի քանի ժամ յետոյ նոր առաջարկներ չեն արւի:

Կառավարութիւնը որոշեց մերժել նոր առաջարկները՝ պնդելով զինադադարի նախկին պայմանների վրա: Նոյեմբ. 10-ին հետեւեալ գրութիւնն ուղարկեց Անգորա.

10 նոյեմբ. 1920 թ.

Նկատի ունենալով ձեր 2 նոյեմբ. գրութեան խաղաղասէր ոգին՝ մեր հրամանատարութիւնն ընդունել է և ի կատար ածել ամսոյս 6-ի ձեր առաջարկած զինադադարի պայմանները: Համաձայն ձեր այդ նամակի և 8 նոյեմբ. ձեր նօտայի բովանդակութեան, որով դուք առաջարկում էք խաղաղութեան պայմաններ և որոնց մենք սկզբունքով համաձայն ենք, ինչպէս նաև ըստ ձեր կառավարութեան արած առաջարկի, մենք արդէն նշանակել ենք մեր պատւիրակութիւնը: Նա պատրաստ է Ալեքսանդրապոլ մեկնելու՝ մշակելու ձեր ներկայացուցիչների հետ պայմաններ և կնքելու խաղաղութիւն:

Նկատի ունենալով այդ սկզբունքային համաձայնութիւնը և այն, որ մենք պատրաստ ենք անցնել խաղաղութեան բանակցութիւններին, որ զինադադարի պայմանները առաջարկել էք դուք ամսիս 6-ին ձեր 554 գրութեամբ, ինչպէս այնպիսի պայմաններ, որոնք տալիս են ձեզ բոլոր անհրաժեշտ երաշխիքներն ազատօրէն առաջ տանելու բանակցութիւնները կոնֆերանսի ընթացքում, իմ կառավարութիւնը գտնում է, որ իր անկեղծօրէն հետապնդ-